



**TEKS UCAPAN PERASMIAN  
YB. KHALID BIN ABD. SAMAD  
MENTERI WILAYAH PERSEKUTUAN**

---

**MAJLIS PERASMIAN MEDAN SELERA LABUAN  
TAHUN 2019**

---

**PADA  
27 APRIL 2019 (SABTU) JAM 4.00 PETANG**

**DI  
MEDAN SELERA LABUAN**



4. PEMBINAAN MEDAN SELERA INI MERANGKUMI 50 UNIT GERAI YANG DILENGKAPI DENGAN 250 TEMPAT LETAK KERETA, 50 LOT MOTOSIKAL SERTA PARKIR BAS PERSIARAN. SELAIN DARIPADA ITU, ANTARA KEMUDAHAN LAIN YANG TERDAPAT DI MEDAN SELERA INI IALAH SEPERTI KEMUDAHAN SURAU, TANDAS AWAM DAN TAMAN MINI PERMAINAN KANAK-KANAK UNTUK DINIKMATI OLEH PENGUNJUNG YANG DATANG. SEBAGAI KESIMPULANNYA SEMUA YANG DIPERLUKAN TERDAPAT DI DALAM SATU KAWASAN MEDAN SELERA INI. INI JUGA MENUNJUKKAN PERANCANGAN KEPADA PEMBANGUNAN INI ADALAH TURUT MENGAMBIL KIRA KEPERLUAN DAN KESELESAAN PENGUNJUNG.

5. MEDAN SELERA INI TURUT MENAWARKAN KEMUDAHAN YANG SELESA UNTUK PENGUNJUNG DENGAN KEUNIKAN REKABENTUKNYA TERSENDIRI. MUNGKIN RAMAI YANG MASIH KURANG MAKLUM TENTANG REKAAN 3 BUMBUNG BERBENTUK DAUN YANG DIBINA ITU SEBENARNYA ADALAH SIMBOLIK KEPADA GABUNGAN 3 WILAYAH IAITU WILAYAH PERSEKUTUAN KUALA LUMPUR, LABUAN DAN PUTRAJAYA.

TUAN-TUAN DAN PUAN-PUAN YANG SAYA HORMATI SEKALIAN,

6. ANTARA OBJEKTIF PEMBINAAN MEDAN SELERA LABUAN INI ADALAH BAGI MENYEDIAKAN SATU PERSEKITARAN MEDAN SELERA YANG LENGKAP DAN SELESA KEPADA PENGUNJUNG DAN PELANCONG. SELAIN ITU, KERAJAAN

AMAT BERHARAP AGAR PENIAGA-PENIAGA KECIL DI WP LABUAN DAPAT MENAMBAH DAN MENINGKATKAN PENDAPATAN EKONOMI MELALUI KUTIPAN HASIL PERNIAGAAN MAKANAN DAN MINUMAN YANG DIJUAL DI MEDAN SELERA INI.

7. BANGUNAN INI JUGA DILIHAT SEBAGAI SALAH SATU ALTERNATIF BAGI MENINGKATKAN DAYA TARIKAN PELANCONG BAIK DARI DALAM MAHUPUN LUAR NEGARA DENGAN REKABENTUK SERTA FASILITI YANG CUKUP BAIK DAN SELESA. SAYA TURUT DIFAHAMKAN PELBAGAI MENU PILIHAN DISEDIAKAN UNTUK PENGUNJUNG DAN PELANCONG DARIPADA MAKANAN MELAYU SEHINGGA LAH MAKANAN BARAT TURUT DIJUAL OLEH PENIAGA DI MEDAN SELERA INI. KEPELBAGAIAN VARIASI MAKANAN INI SUDAH PASTINYA MAMPU MENARIK PENGUNJUNG DAN PELANCONG UNTUK BERSANTAI SAMBIL MENIKMATI JUADAH YANG DISEDIAKAN.

HADIRIN HADIRAT YANG SAYA KASIHI SEKALIAN,

8. UNTUK MAKLUMAN, BANGUNAN MEDAN SELERA INI SEBENARNYA TELAH MULA BEROPERASI PADA 1 APRIL 2018 YANG LALU DAN MULA DIBUKA KEPADA ORANG AWAM. SEPANJANG PEMBUKAAN MEDAN SELERA BAHARU INI, SEGALA KEMUDAHAN INI TURUT DIGUNAKAN UNTUK PENGANJURAN MAJLIS-MAJLIS RASMI AGENSI KERAJAAN DAN BEGITU JUGA AGENSI SWASTA DAN NGO YANG TURUT SAMA MEMBANTU

MEMERIAHKAN MEDAN SELERA INI. PENGANJURAN MAJLIS/PROGRAM INI SANGAT MENDAPAT SAMBUTAN YANG BAIK DAN INI SECARA TIDAK LANGSUNG MEMBANTU MENINGKATKAN PENDAPATAN PARA PENIAGA.

9. DALAM KONTEKS INI, KERAJAAN JUGA AKAN SENTIASA BERUSAHA MELAKUKAN PENAMBAHBAIKAN YANG POSITIF DALAM MEMASTIKAN MEDAN SELERA YANG DIBINA ADALAH MEMENUHI KEPERLUAN SEMASA RAKYAT DI PULAU INI. APA YANG PENTING KEMUDAHAN YANG DISEDIAKAN INI JUGA PERLU DIMANFAATKAN SEPENUHNYA OLEH PARA PENIAGA DAN JUGA PENGUNJUNG DALAM MEMASTIKAN ASET YANG DIBANGUNKAN INI TERUS DAPAT DIMANFAATKAN DALAM TEMPOH YANG LAMA OLEH KOMUNITI DI PULAU LABUAN INI.

10. AKHIR KATA, SAYA SEKALI LAGI MERAKAMKAN UCAPAN TERIMA KASIH KEPADA SEMUA PIHAK YANG TERLIBAT DALAM MENJAYAKAN MAJLIS PERASMIAN MEDAN SELERA LABUAN YANG BAHARU PADA HARI INI. JUGA TIDAK DILUPAKAN, SEKALUNG PENGHARGAAN KEPADA RAKYAT LABUAN YANG SENTIASA MEMBERIKAN SOKONGAN KEPADA PEMBANGUNAN YANG DILAKSANAKAN OLEH PIHAK KERAJAAN INI. SEMOGA WARGA LABUAN TERUS MEMBERIKAN SOKONGAN KEPADA USAHA MURNI KERAJAAN UNTUK TERUS MENYEDIAKAN PRASARANA DAN MEMBANTU MENINGKATKAN EKONOMI KOMUNITI SETEMPAT.

**11. DENGAN LAFAZ BISMILLAHHIRAHMANIRRAHIM,  
SAYA DENGAN SUKACITANYA MERASMIKAN MEDAN  
SELERA LABUAN.**

SEKIAN, WABILLAHIT TAUFIK WALHIDAYAH,  
WASSALAMUALAIKUM WARAHMATULLAHI WABARAKATUH.  
TERIMA KASIH